



陶靖節集卷之九

集聖賢群輔錄上

明由曉升級

宋均曰級等差政所先後也

必育受稅役

宋均受

賦稅及徭役為也

成博受古諸

宋均曰古諸侯職等也

隕立

立受延嬉

宋均曰延嬉興也主受此錄也

右燧人四佐燧人出天四佐出洛

宋均出

天所生出地所生也

金提堤

一作堤

主化俗

宋均曰為民除災害也

鳥明主建福

宋均

曰福利也

視默主災惡

宋均曰為民除災害也

紀通為中職

宋均曰為田也仲起為海陸宋均曰主平陽侯為

江海宋均曰主江湖

右伏羲六佐六佐出世宋均曰燧人故增二

佐出世人所生也

風后受金法宋均曰金法言天老受天錄

命也五聖受道級宋均曰級知命受糾俗

也窺紀受變復宋均曰有禍地典受州絡

也維絡力墨受準斥宋均曰準斥凡事

右黃帝七輔州選舉翼佐帝德自燧人

四佐至七輔見論語摘輔象

重 談 脩 熙

右少昊四叔實能金木及水使重為勾

芒訣為蓐收脩及熙為玄冥世不失職

遂濟窮桑見左傳蔡墨辭

羲仲 羲叔 和仲 和叔

右羲和四子孔安國云即堯之四岳分

掌四岳諸侯鄭玄云堯既分陰陽為四

時命羲仲和仲羲叔和叔等為之官又

主方岳之事是為四岳見鄭尚書注

伯夷為陽伯

樂舞侏離歌曰招陽

義仲之後為義伯

樂舞替於

歌曰南陽

棄為夏伯

樂舞武漫於歌曰祈慮一無武字

義叔

之後為義伯

樂舞將陽歌曰朱華

咎繇為秋伯

樂舞蔡叔歌曰

零落

和仲之後為和伯

樂舞未詳歌曰歸來

垂為冬伯

樂舞丹鳳一曰齊落歌曰齊樂一曰縵

右八伯自義和死後分置八伯舜既即位元祀巡狩每至其方各貢兩伯之樂

大傳冬伯後闕一人鄭玄云此上下有

脫辭其說未聞十有五祀後又百工相和而歌慶雲八伯稽首而進者也見尚

書大傳

共工 鯀 三苗

右四凶

蒼舒

隤斨

擗戠

大臨

龍降

庭堅

仲容

叔達

右高陽氏才子八人齊聖廣淵明允篤

誠天下之民謂之八凱

誠天下之民謂之八凱

誠天下之民謂之八凱

誠天下之民謂之八凱

伯奮 仲堪 叔獻 季仲 伯虎 仲熊

叔豹 季貍

右高辛氏才子八人忠肅恭懿宣慈惠和天下之民謂之八元從四凶至此悉見左傳季文子辭

禹作司空 棄作稷 契作司徒

咎繇作士 益作朕虞 垂作共工

伯夷作秩宗 龍作納言 夔作典樂

右九官舜登帝位所選命見尚書

雄陶 方回 續牙 伯陽 東不訾或云不識

秦不虐或云不空 靈甫

右舜七友並為歷山雷澤之游戰國策

顏斶云堯有九佐舜有七友而尸子只

載雄陶等六人不載靈甫皇甫士安作

逸士傳云視其友則雄陶方回續牙伯

陽東不訾秦不空靈甫之徒是為七子

與戰國策相應

禹 稷 契 皋陶 益

右舜五臣見論語已列九官中

禹 稷 契 皋陶 伯夷 垂

益 夔

右八師見楚辭七諫

伯夷 禹 稷

右三后伯夷降典制民惟刑禹平水土  
主名山川稷降播種農殖嘉穀三后成  
功惟殷于民漢太尉楊賜曰昔二后成  
功臯陶不與焉蓋咨之也見尚書甫刑

後漢書

微子 箕子 比干

右殷三仁論語曰微子去之箕子為之  
奴比干諫而死孔子曰殷有三仁焉

伯夷 太公

右二老尚書大傳曰伯夷避紂居北海  
之濱太公避紂居東海之濱皆率其黨  
曰盍歸乎吾聞西伯昌善養老此二人  
者蓋天下之大老也往而歸之是天下

之父歸之也天下之父歸之其子曷往  
孔融曰西伯以二老開王業

闕天

太公望

南宮适

散宜生

右文王四友尚書大傳云闕天南宮适  
散宜生三子學于太公望望曰嗟乎西  
伯賢君也四子遂見西伯於姜里孔子  
曰文王有四臣丘亦得四友此四人則  
文王四鄰也

伯達

伯适

仲突

仲忽

叔夜

叔夏

隨

季騶

右周八士見論語賈逵以為文王時鄭  
玄以為成王時也

伯邑考

武王發

管叔鮮

周公旦

蔡叔度

曹叔振鐸

霍叔武

邰叔處

康叔封

聃季載

一本無邰叔處有毛叔圉

右太姒十子太史公曰太姒十子周以  
宗強見史記

周公旦

邵公奭

太公望

畢公

毛公

閔公

太顛

南宮适

散宜生

文母

太姒也

右周十亂見論語其四人已列四友

秦公牙

吳班

孫尤

大夫冉贊

公子麋

右五王並能相馬尸子曰古有五王之

相廼謂之王其貴之也

狐偃

趙衰

顛頡

魏武子

司空季子

右晉文公從亡五人叔向曰公生十七

年有士五人見左傳及晉太尉劉琨詩

曰重耳憑五臣

奄息

仲行

鍼虎

右三良子車氏之子秦穆公沒要以從

死詩人悼之為賦黃鳥見左傳毛詩

子展賦草蟲子罕

子西賦黍苗子駟

子產



賦隰桑

子國

公孫段賦桑扈

子豐

伯有賦

鶉之賁賁

子良孫子耳子

子太叔賦野有蔓草

子游子孫子

子矯

印段賦蟋蟀

子印孫子張子

右鄭七穆謂之七子鄭穆公子十有一

人罕駟豐印遊國良七人子孫並有才

名世任鄭國之政以免晉楚之難謂之

七穆叔向曰鄭七穆氏其后亡乎及諸

侯為宋之盟鄭伯享趙武于垂隴七卿

皆從文子曰七卿從君以寵武也請皆

賦以卒君貺亦以觀七子之志見左傳

又吳質書云趙武過鄭七子賦詩

仲孫穀文伯

獻子莊子孝伯僖子懿子武伯

叔孫得臣莊叔

穆子昭子成子武子文子

季孫行父文子

武子悼子平子桓子康子

右魯桓公之曾孫世秉魯政號曰三桓

孔子曰三桓之子孫微矣見論語左傳

趙無恤襄子

趙衰始為卿至無恤四世

范吉射昭子

士會始為

卿至吉射五世

智瑤襄子

荀首始為卿至瑤六世

荀寅文子

荀林父始為卿至寅四世

魏多襄子

魏絳始為卿至多四世

韓不

信簡子

韓厥始為卿至不信四世

右六族世為晉卿並有功名此六人寔弱晉國淳于越云卒有田常六卿之臣劉向亦曰田常復見於今六卿必起於漢見左傳史記漢書

儀封人

荷蕢

晨門

楚狂接輿

長沮

桀溺

荷蓀丈人

一作伯夷叔齊虞仲夷逸朱張柳下惠少連

右作者七人論語曰賢者避世其次避

地其次避色其次避言孔子曰作者七人見包氏注董威輦詩曰洋洋乎盈耳哉而作者七人

德行

顏淵

閔子騫

冉伯牛

仲弓

言語

宰我

子貢

政事

冉有

季路

文學

子游

子夏

右四科見論語

顏回 子貢 子路 子張

右孔子四友文王有胥附奔奏先後禦  
侮謂之四隣孟懿子曰夫子亦有四隣  
乎子曰吾有四友焉自吾得回門人益  
親是非胥附乎自吾得賜遠方之士日  
至是非奔奏乎自吾得師前有先後有  
輝是非先後乎自吾得由惡言不至於  
門是非禦侮乎見孔叢子

顏回 冉仲弓 子路 宰我 子貢

公西華

右六侍仲尼志意不立子路侍儀服不  
脩公西華侍禮不習子貢侍辭不辯宰  
我侍亡忽古今顏回侍節小物冉伯牛  
侍曰吾以夫六子自厲也見尸子

檀子 黔夫 種首

右齊威王疆場四臣齊威王與魏惠王  
會田於郊魏王問威王曰王有寶乎威  
王曰無有魏王曰若寡人國雖小猶有

徑寸之珠照前後車各十二乘者十枚  
柰何爲萬乘之國而無寶乎威王曰寡  
人之所以爲寶與王異吾臣有檀子者  
使守南城則楚人不敢爲寇東取泗上  
十二諸侯皆來朝吾臣有盼子者使守  
高唐則魏人不敢東漁於河吾臣有黔  
夫者使守徐則燕人祭北門趙人祭西  
門從而從之者七十餘家吾臣有種首  
者使備盜賊則道不拾遺以此爲寶將

以照千乘豈直十二乘哉魏惠王慙不  
懌而去見史記及春秋後語

齊孟嘗君田文

魏信陵君無忌

趙平原君趙勝

楚春申君黃歇

右戰國四豪見史記

太子少傅留文成侯韓張良

相國鄼文終侯沛蕭何

楚王淮陰侯韓信

右三傑漢高祖曰此三人人之傑也見

漢書

園公

姓園名秉字宣明陳留襄邑人常居園中故號園公見陳留志

綺里季

夏黃公

姓崔名廣字少通齊人隱居脩道號夏黃公見崔氏譜

角里

先生

右商山四皓當秦之末俱隱上洛商山

皇甫士安云並河內軹人見漢書及皇

甫謚高士傳

太子太傅疏廣字仲翁

宣帝本始四年魏相為御史大夫薦廣於霍光

時年六十以元康三年告退年六十七

太子少傅疏受字公子

廣兄子也

右二疏東海人宣帝時並為太子師傅

每朝太傅在前少傅在後朝廷以為榮

授太子論語孝經各以老疾告退時人

謂之二疏見漢書

重合令子輿

居宋里

櫟陽令子羽

居東觀里

東海太守子仲

居宜唐里

兗州刺史子明

居西南里

潁陽令子良

居遂與里

右郡决曹掾汝南周燕少鄉之五子號

曰五龍各居一里子孫並以儒素退讓  
爲業天下著姓見周氏譜及汝南先賢  
傳

龔勝字君賓

龔舍字君倩

或曰長倩

右並楚人皆治清節世號二龔見漢書

唐林字子高

唐尊字伯高

右並沛人亦以潔履著名於成哀之世  
號爲二唐比楚二龔後皆仕王莽見漢  
書左思曰二唐潔已乃黜乃汚

平阿侯王譚

成都侯王商

紅陽侯王章

曲陽侯王根

高平侯王逢時

右並以元后弟同日受封京師號曰五  
侯並奢豪富侈招賢下士谷永樓護皆  
爲賓客時人爲之語曰谷子雲之筆札  
樓君卿之唇舌言出其門也見漢書張  
載詩曰富侈擬五侯

北海逢萌字子康

北海徐房字平原

李曇字子雲

平原王遵字君公

右皆懷德穢行不仕亂世相與爲友時人號之四子見後漢書嵇康高士傳

求仲 羊仲

右二人不知何許人皆治車爲業挫廉逃名世一作蔣元卿之去兗州還杜陵荆棘塞門舍中有三逕不出惟二人從之游時人謂之二仲見嵇康高士傳

太傅高密元侯南陽都禹字仲華

大司馬廣平忠侯南陽吳漢字子顏

左將軍膠東剛侯南陽賈復字君文

建威大將軍好時愍侯扶風耿弇字伯昭

執金吾雍奴威侯上谷寇恂字子翼

征西大將軍陽夏節侯潁川馮異字公孫

征南大將軍舞陽壯侯南陽岑彭字君然

征虜將軍潁陽成侯潁川祭遵字弟孫

太常靈壽侯信都邳彤字偉君

東郡太守東莞成侯鉅鹿耿純字伯山

上谷太守淮陰侯穎川王霸字元伯

左中郎將朗陵愍侯穎川臧宮字君翁

驃騎大將軍櫟陽侯馮翊景丹字孫卿

驃騎大將軍參蘧侯南陽杜茂字諸公

建義大將軍萬侯南陽朱祐字仲先

驃騎將軍慎靖侯南陽劉隆字元伯

揚武將軍全椒侯南陽馬成字君遷

大司空阜成侯漁陽王梁字君嚴

衛尉安城忠侯穎川姚期字次况

左馮翊安平侯漁陽蓋延字巨卿

捕虜將軍揚虛侯南陽馬武字子張

驍騎將軍昌城侯鉅鹿劉植字伯先

左將軍阿陵侯南陽任光字伯卿

豫章太守中水侯東萊李忠字仲都

左將軍槐里侯扶風萬脩字君游

琅邪太守祝阿侯南陽陳俊字子昭

積弩將軍昆陽威侯穎川傅俊字子衛

揚化將軍合肥侯穎川堅鐔字子伋



右河北二十八將光武所與定天下見  
後漢書張衡東京賦云受鉞四七共工  
以除

武威太守梁統字仲寧

金城太守庫鈞字巨公

張掖太守史苞字叔文

酒泉太守竺曾字巨公

燉煌太守辛彤字大房

右河西五守是時更始已爲赤眉所害

隗囂密有異志統等五人共推竇融爲  
河西大將軍內撫吏民外禦寇戎東伐  
隗囂歸心世祖克建功業見後漢書及  
善文

大鴻臚韋孟達

上黨太守公孫伯達

河陽長魏仲達

右扶風平陵人同時齊名世號三達孟  
達名彪丞相賢五世孫明帝時人見漢  
書及决錄

光祿大夫周舉

光祿大夫杜喬

光祿大夫周栩

尚書樂巴

青州刺史馮羨

兗州刺史郭導

太尉長史劉斑

侍御史張綱

右八使漢順帝時政在權宦官以賄成

周舉等議遣八使循行風俗同日俱發

天下號曰八使見張璠漢紀

平輿令韋順字叔文

歷位樂平相去官以琴書自娛不應三公之命後為

平輿令吏民立祠社中

順弟武陽令豹字季明

友人羅陵捷為縣丞卒官喪柩流離豹棄官致

喪歸比辟公府輒棄去司徒劉愷尤敬之

豹弟廣都長義字季節

少好學不求榮利四十乃仕三為令長皆有惠

化以兄喪去官比辟公府不就廣都為立生祠焉

右清河太守韋文高之三子皆以學行

知名時人號韋氏三君見京兆舊事

揚震字伯起

以太常為司徒遷太尉

震子秉字叔節

以太常為太尉

秉子賜字伯獻

以光祿勳為公再司徒一太尉

賜子彪字文先以大中大夫為公

右楊氏四公弘農華陰人自孝安至獻

帝七世父子以德業相繼為三公見續

漢書

袁安字邵公以太僕為司空遷司徒

安子敞字叔平以光祿勳為司空

敞子湯字仲河以太僕為司空遷司徒

湯子逢字周陽以屯騎校尉為司空

逢弟隗字次陽以太常為司空太尉

右袁氏四世五公見續漢書

處士豫章徐稚字孺子

京兆韋著字休明 汝南袁閔字夏甫

彭城姜肱字伯淮 潁川李曇字子雲

右太傅汝南陳公時為尚書令與諸尚書悉名士也共薦此五人時號五處士

見續漢書及善文

周子居 黃叔度 艾伯堅

鄧伯向 封武興 盛孔叔

右汝南六孝廉太守李俵選此六人以  
應歲舉受版未行俵死子居等遂駐行  
喪俵妻於柩側下帷見之厲以宜行子  
居嘆曰不有行者莫宣公不有止者莫  
卹居於是與伯堅即日辭行封黃四人  
留隨柩車見杜元凱女戒

大將軍槐里侯扶風平陵竇武字游平天下忠誠竇游平

太傅高陽鄉侯汝南平輿陳蕃字仲舉天下義府陳仲舉

侍中河間樂成劉淑字仲承天下德弘劉仲承

右三君

少傅潁川襄城李膺字元禮天下模楷李元禮

司空山陽高平王暢字叔茂天下英秀王叔茂

太僕潁川陽城杜密字周甫天下良輔杜周甫

司隸校尉沛國朱寓字季陵天下水凌朱季陵

尚書會稽上虞魏朗字少英天下忠貞魏少英

沛國潁陰荀彗字伯條天下好交荀伯條

大司農博陵安平劉祐字伯祖天下稽古  
太常蜀郡成都趙典字仲經天下才英

右八俊

有道太原介休郭泰字林宗天下和雍

太常陳留圉夏馥字子治天下慕待

尚書令河南鞏尹勲字伯元天下英藩

河南尹太山平陽羊陟字嗣祖天下清苦

議郎東郡陽平劉儒字叔林天下珪金

冀州刺史陳國項蔡衍字孟喜天下雅志

潁川太守渤海高城巴肅字恭祖天下卧虎

議郎南陽安衆宗慈字孝初天下通儒

右八顧後漢書無劉儒有范滂

御史中丞汝南召陵陳翔字子鱗海內貴珍

衛尉山陽高平張儉字元節海內忠烈

太尉掾汝南細陽范滂字孟博海內謇諤

蒙令山陽高平檀敷字文有海內通士

洛陽令魯國孔昱字世元海內才珍孔世元

太山太守渤海重合范康字仲真海內彬彬

太尉掾南陽棘陽岑暉字公孝海內珍好

鎮南將軍荊州牧武城侯山陽高平劉表字景

升海內所稱

右八及後漢書無范滂有翟超

少府東萊曲城王商字伯義海內賢智王伯義

郎中魯國蕃嚮字嘉景海內修整

北海相陳留平丘秦周字平王海內貞良

侍御史太山奉高胡毋斑字季皮海內珍奇

太尉掾潁川陰劉翊字子相海內光光

冀州刺史東平壽張王考字文祖海內依怙

陳留相東平壽張張邈字孟卓海內嚴恪

荊州刺史山陽湖陸度尚字博平海內清明

右皆傾財竭已解釋怨結拯救危急謂

之八厨後漢書無劉翊有劉儒

從三君至此並見三君八俊錄

太丘長潁川陳寔字仲弓

寔子大鴻臚紀字元方

紀弟司空掾諶字季方

右並以高名號曰三君見甄表狀及鄆  
鄆淳紀碑

陶靖節集卷之九

